

Na osnovu člana 4. Odluke o utvrđivanju uslova i postupka za ostvarivanje prava učešća građana u dodjeli plastenika površine 100 m² sa dodatnom opremom na području općine Stari Grad Sarajevo, broj: 01-04-4-249/20 od 31.01.2020. godine, Općinski načelnik Općine Stari Grad Sarajevo objavljuje:

JAVNI POZIV

za predaju zahtjeva za dodjelu plastenika površine 100 m² sa dodatnom opremom

1. PRAVO PRIJAVE NA JAVNI POZIV I USLOVI ZA DODJELU PLASTENIKA

Pravo na dodjelu plastenika sa dodatnom opremom mogu ostvariti učesnici koji ispunjavaju sljedeće uslove:

a) Opći uslovi

- da je podnosilac zahtjeva zakonski korisnik minimalno 500 m² zemljišta na području općine Stari Grad Sarajevo (vlasnik, posjednik, nosilac prava korištenja i drugo)
- da navedeno zemljište pripada poljoprivrednom gazdinstvu, odnosno da je uz objekat stanovanja podnosioca zahtjeva (utvrđuje Komisija za dodjelu plastenika - u daljem tekstu Komisija, uviđajem na licu mjesta)
- broj članova domaćinstva

b) Posebni uslovi

- demobilisani borac - nezaposlen
- demobilisani borac - penzioner
- demobilisani borac - neriješen radni status (lica na čekanju)
- nezaposlene osobe do 35 godina starosti, (s ciljem podsticanja bavljenja poljoprivredom i smanjivanja nezaposlenosti među mladim osobama)

c) Dodatni uslovi

I. Pripadnost jednoj od navedenih kategorija podnosioca zahtjeva i člana domaćinstva:

- priznat status RVI podnosioca zahtjeva
- porodica šehida
- dokaz o nezaposlenosti svakog punoljetnog člana porodičnog domaćinstva i
- dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva

II. Pogodnost zemljišta

- da je površina zemljišta gdje će se postaviti platenik ravna ili veoma blagog nagiba
- da zemljište nije vlažno, odnosno sklono zabarivanju
- da nije u blizini objekata koji bi mogli stvarati sjenu na platenik
- da je zemljište udaljeno od glavnih saobraćajnica minimalno 100 m
- da je u neposrednoj blizini izvorišta vode ili vodovodne mreže
- izjava da u ranijem periodu nije ostvareno pravo na donaciju - platenik (uslove od tačke 1. do tačke 6. utvrđuje Komisija uviđajem na licu mjesta)

2.POTREBNA DOKUMENTACIJA

Uz zahtjev za dodjelu plastenika potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: zemljišno-knjižni izvadak, kopija katastarskog plana nadležne općinske službe i drugi dokazi o vlasništvu, odnosno posjedu zemljišta
2. Kopija lične karte i kopija prijave o mjestu boravka za podnosioca zahtjeva i sve punoljetne članove domaćinstva sa kućne liste
3. Kućna lista
4. Potvrda o nezaposlenosti izdata od Zavoda za zapošljavanje za podnosioca zahtjeva
5. Za lica koja nemaju riješen status odgovarajuća potvrda otkad nemaju riješen status (potvrdu izdaje preduzeće) kao i da razlog takvog statusa nije rezultat lične krivice dotičnog uposlenika
6. Ček od penzije ukoliko je podnosilac zahtjeva penzioner
7. Dokaz o ukupnim primanjima domaćinstva, podnosioca zahtjeva i punoljetnih članova domaćinstva (potvrda o studiranju, uvjerenje nadležne službe o nezaposlenosti, ček od penzije, potvrda o primanjima od poslodavca, odnosno primanja po osnovu lične i porodične invalidnine i sl.)
8. Demobilisani borac: rješenje o statusu borca ili uvjerenje nadležnog ministarstva za pitanja boraca i invalida odbrambeno-oslobodilačkog rata, Odsjek za pitanja evidencija iz oblasti vojne obaveze za područje Kantona Sarajevo, ratni vojni invalid (rješenje nadležne općinske službe) i šehidska porodica (rješenje nadležne općinske službe)
9. Dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva

3. PODNOŠENJE ZAHTJEVA I DOKUMENATA

Obrasci zahtjeva za dodjelu plastenika mogu se preuzeti na šalteru protokola i na web stranici Općine Stari Grad Sarajevo: www.starigrad.ba. Zahtjevi za dodjelu plastenika sa pratećom dokumentacijom se predaju na šalteru protokola u zgradi Općine Stari Grad Sarajevo, ulica Zelenih beretki br.4, sa naznakom: Služba za privredu - Prijava na Javni poziv za dodjelu plastenika. Sve dodatne informacije mogu se dobiti u Službi za privredu, soba 406, IV sprat.

4. PROCEDURA ODABIRA KORISNIKA

Proceduru vrednovanja i odabira pristiglih zahtjeva izvršit će Komisija za dodjelu plastenika. Svako lice kojem prema ovom Javnom pozivu bude dodijeljen plastenik potpisat će Ugovor o dodjeli plastenika sa Općinom Stari Grad Sarajevo, čime se obavezuje na poštivanje odredbi istog.

5. FINANSIJSKA SREDSTVA

Projekat se finansira sredstvima iz Budžeta Općine Stari Grad Sarajevo za 2020.godinu u ukupnom iznosu od 20.000,00 KM prema kojem će se odabranim podnosiocima zahtjeva pojedinačno dodijeliti plastenik površine 100 m² sa dodatnom opremom.

6. NAPOMENA

1. Zahtjevi podneseni sa nepotpunom dokumentacijom neće se uzimati u razmatranje, ukoliko učesnik na Javnom pozivu i nakon davanja uputa ne postupi po istima
2. Rok za podnošenje prijava na Javni poziv je 10 dana od dana njegovog objavljivanja
3. Proceduru vrednovanja i utvrđivanja liste kandidata za dodjelu plastenika izvršit će Komisija za dodjelu plastenika. Odluku o izboru kandidata za dodjelu plastenika na prijedlog Komisije donosi Općinski Načelnik Općine Stari Grad Sarajevo
4. O rezultatima Javnog poziva kandidati će biti obaviješteni pismenim putem, putem oglasne ploče i web stranice Općine Stari Grad Sarajevo, a mogu se i lično informisati u Službi za privredu, soba 406, IV sprat.

Stručna obrada:

Senida Bajraktarević, dipl.ing.polj.

Firdeusa Hadžimurtezić, dipl.ing.polj.

POMOĆNIK NAČELNIKA

Nasir Gradašćević, dipl.pravnik

OPĆINSKI NAČELNIK

mr. Ibrahim Hadžibajrić, s.r.

Broj: 01-04-4-249/20

Sarajevo, 12.02.2020.godine